

祭文重录

祭始祖 考元善公
妣孙孺人 文

数十年秉铎之尊长光国乘半千载撞钟之善莫读
碑铭中叶流传由人材以选举后贤稽考怡朝代之符徵
当明朝洪武之初遵路是三湘四泽冠宝郡广文之首倚
墙者四县一洲此为实行之载扬未必潜光之表著也夫
以蒙旷曲遇先容诏迪淮安輿情悉恰名登建业期望已
隆既难逃佳士之推又敢负有司之选则知岁时函丈不
咸苏湖朔望辟雍无殊槐市如谓生初了了及后平平饰
行沽名纓情好爵何以编都编甲弗称字而称公有子有
孙竞成人而成世而且书香貽后衣钵传今读自耕餘人
文凤起仕从学后官级蝉联詎非阴功而阳报也哉呜呼
楷模往矣盛德难歌梗概言之英威幸宥地是当年宦籍
灵爽应归物为今日孝思馨香勿弃

尚享

抄自五修谱卷首